

Lata Mangeshkar

"Kyun Hawa"

Visit "[Kyun Hawa](#)" on MotoLyrics.com

Yash:

Ek din jab savere savere, surmayi se andher ki chaadar
hata ke
Ek parbat ke takiye se, sooraj ne sar jo uthaaya, toh
dekha
Dil ki waadi mein chaahat ka mausam hai
Aur yaadon ki daaliyon par
Anginat beete lamhon ki kaliyaan mahekne lagi hain
Ankahi ansuni aarzo, aadhi soyi huwi aadhi jaagi huwi
Aankhein malte huwe dekhti hai, laher dar laher
Mauj dar mauj, behti huwi zindagi
Jaise har ek pal nayi hai, aur phir bhi wahi, haan, wahi
zindagi
Jiske daaman mein ek mohabbat bhi hai, koyi hasrat
bhi hai
Paas aana bhi hai, door jaana bhi hai, aur ye ehsaas
hai
Waqt jharne sa behta huwa, jaa raha hai, ye kehta
huwa
Dil ki waadi mein chaahat ka mausam hai
Aur yaadon ki daaliyon par
Anginat beete lamhon ki kaliyaan mahekne lagi hain

Lata:

Aa, haa ho ho, aa haa ho ho, hmm, hmm,

Sonu:

Kyun hawa aaj yun gaa rahi hai

Sonu:

Kyun hawa, aaj yun gaa rahi hai
Kyun fiza, rang chhalka rahi hai
Mere dil bata aaj hona hai kya
Chaandni, din mein kyun, chhaa rahi hai
Zindagi, kis taraf jaa rahi hai
Mere dil bata kya hai ye silsila
Kyun hawa, aaj yun gaa rahi hai
Gaa rahi hai, gaa rahi hai

Lata:

Ha ha ha ha aa,aa,, hmm.., aa ha ha ha,

Sonu:

Jahaan tak bhi jaayein nigaahain, baraste hain jaise
ujaale -2

Saji aaj kyun hain ye raahein, khile phool kyun hain
niraale

Khushbuwein, kaisi ye beh rahi hain

Dhadkanein jaane kya keh rahi hai

Mere dil bata ye kahaani hai kya

Kyun hawa, aaj yun gaa rahi hai

Gaa rahi hai, gaa rahi hai

Lata:

Aa... aa...

Sonu:

Ye kiska hai chehra jisse main, har ek phool mein
dekhta hoon -2

Ye kiski hai awaaz jisko, na sun ke bhi main sun raha
hoon

Kaisi ye aahatein aa rahi hain, kaise ye khwaab dikhla
rahi hain

Mere dil bata kaun hai aa raha

Kyun hawa, aaj yun gaa rahi hai

Gaa rahi hai, gaa rahi hai

Lata:

Aa, aa, aa, aa aa.... aa...

Visit [Lata Mangeshkar](#) page on MotoLyrics.com, to get more lyrics and videos.